

永樂大典卷之一萬一千九百六 十八養

廣廣州府二

新會縣大明清類天文分野書漢南海縣地晉

分南海立新會郡宋齊並用之隋開皇十年置

新會縣屬岡州大業初州罷唐武德四年以義

甯新會二縣復置岡州開元二十三年州罷以

新會義甯屬廣州宋元並仍其舊

本朝因之圖經志秦地屬南海郡晉恭帝時立新

會郡分南海地隋郡廢開皇十年置新會縣屬

岡州十三年改元州又改岡州尋廢唐武德四

年。以義甯新會置岡州。正觀十三年州廢。尋復舊。開元二十三年併義甯為新會縣。屬廣州。寰宇記東北水路三百三十里。無陸路。元四鄉。漢南海郡地。晉新會郡。隋改置封州。又改亢州。又為岡州。隋末併入廣州。唐武德四年復置岡州。舊治盆亢城。貞觀十三年廢岡州。縣屬廣州。其年復置州於今所。開皇二十三年州廢。縣入廣州。遂移縣於廢州城。前臨大海。後枕羣山。元一統志本漢南海縣地。晉志云。恭帝分南海立新會郡。宋志云。晉恭帝元熙二年分南海立新會。

宋齊志有新會郡。而無新會縣。元和志云。隋開皇十年置新會縣屬岡州。王象之輿地紀勝云。意其郡雖置於晉。而縣則置於隋耳。隋志云。舊置新會縣。平陳郡廢。又併五台。永昌新唐縣。懷集六縣入為封州。十二年改為九州。後改為岡州。大業州廢。封樂縣入焉。唐志武德四年。以義甯新會二縣置岡州新會郡。貞觀十三年州廢。以新會義甯屬廣州。是年復以二年置岡州。開元二十三年州廢。以新會義甯屬廣州。宋因之。元不改。

增城縣大明清類天文分野書漢以番禺縣地

析置此縣。因崑崙山有閼風增城故名。屬南海

郡。晉宋齊並因之。隋初置東莞郡。後罷。宋開寶

五年罷縣。六年復置。元仍其舊。

本朝因之。圖經志秦本番禺地。屬南海郡。後漢建

安六年始置增城縣。縣命名以崑崙山有閼風

增城。又云地有增江。宋開寶四年廢縣入東莞。

六年復立本縣。輿地廣記漢番禺縣地。吳置。及

晉屬南海郡。成帝分立東官郡。宋以後因之。隋

平陳郡廢。屬廣州。唐因之。有貌山增水。南海志

中縣本漢番禺地。後漢建安六年置。故後漢志南海郡下有增城縣。晉宋齊因之。然宋志雖有東莞郡。云咸和六年分南海縣立。乃治寶安縣。非治增城縣也。隋志增城縣下注云舊志東莞縣。平陳廢。然不明言置於何時。寰宇記云。至黃武中於此置東莞郡而立增城縣。王東陽輿地紀勝辯云。增城已見東漢志。非立於吳也。或云縣之命名。以崑崙山有閼風。增城故名。亦謂有增江云。宋開寶五年廢增城縣。六年復置。今因香山縣。大明清類天文分野書宋本東莞縣香

山鎮。元豐五年陞為縣。元仍其舊。

本朝因之。圖經志秦地屬南海郡。宋本東莞縣香

山鎮。紹興二十二年始置縣。元一統志本東莞

縣香山鎮。宋元豐五年轉運判官徐九思請建
為縣。宋會要云。紹興二十二年又陞為縣。不同。

恐建請於元豐而創治於紹興耳。不然則元豐

創縣中間復廢。至紹興而復置。二者弗同。新圖

經云。元豐徐九思請建為縣。止置寨官一員。紹

興二年東莞縣姚孝資請州聞於朝創立縣也。

元不改。

清遠縣大明清類天文分野書漢中宿縣地屬

南海郡三國吳屬始興郡晉因之梁於此置清

遠郡中宿縣屬之隋開皇十年郡罷置清遠縣

屬廣州唐武德六年省正宿縣入焉宋元其

本朝因之圖經志秦地屬南海郡前漢立中宿縣

三國吳隸始興郡梁以縣隸清遠郡郡即今韶

州翁源縣地隋開皇十年廢清遠郡為翁源縣

別置清遠縣唐武德六年併政賓縣入本縣興

地廣記屬南海郡晉宋屬始興郡後立清遠郡

平陳郡廢置清遠縣屬廣州唐因之南海志下

縣本漢中宿縣。以地有中宿峽故名。屬南海郡。吳晉並隸始興。故晉志始興郡下有中宿縣。梁改為清遠郡。中宿縣屬之。隋開皇十年廢郡置清遠縣。屬廣州。唐武六年省改賓縣入焉。今縣有政賓鄉。宋因之。今仍舊。

連州 自此以下二府二州一十一縣屬廣東布

政司。大明清類天文分野書親領縣二。舊。新

一。連山 陽山 舊屬桂陽州。禹貢荊州之域。

翼軫之分。周春秋戰國並屬楚。秦屬長沙郡。漢

高帝五年分長沙南境置桂陽郡。桂陽。陽山。二

縣屬焉。東漢省陽山入沅江。三國吳甘露元年。

分桂陽郡之半立始興郡屬廣州。晉析沅復

置陽山縣屬始興郡。宋明帝改始興為廣州縣

仍屬焉。齊復舊名。梁天監五年分始興置陽山

郡縣屬之。隋開皇十年郡罷。唐武德四年復改

為連州屬潭州總管府。天寶元年更名連山郡。

尋屬嶺南道。乾元元年復為連州屬湖南道。大

曆三年屬廣州。五代初屬湖南。復屬南漢。宋開

寶三年以連州領桂陽連山陽山三縣屬廣南

路至道中屬東路。元至元十三年置安撫司。十

後誤作復

脫廣字

七年罷安撫司。陞為連州路總管府。屬湖南道宣慰司。大德四年降為散州。屬英德路。

本朝洪武二年革連州。十四年復置。屬廣州府。興地紀勝連州中連山郡軍事。九域志。禹貢荊州之域。皇朝郡縣志。翼軫之分野。圖經。春秋時楚地。通典。秦為長沙郡之南境。元和郡縣志及通典同。西漢有桂陽郡。而桂陽陽山以縣屬焉。西漢志有桂陽陽山二縣。東漢志有桂陽而無陽山縣。元和郡縣志云。陽山縣。東漢省。吳分桂陽置始興郡。又屬始興。晉志云。吳置始興郡。統縣

七。有桂陽及陽山二縣。元和郡縣志云。陽山縣。

東漢省。晉復置。宋明帝置宋安郡。_{後有宋安。}通典屬廣興

郡。通典云。宋改始興為廣興郡。齊復屬始興郡。

通典云。齊復曰始興郡。而南齊志始興郡有桂

陽陽山二縣。梁武帝分置陽山郡。寰宇記天監

五年。隋平陳。郡廢置連州。因黃連嶺以為名。元

和郡縣志。在開皇十年。煬帝改熙平郡。隋志熙

平郡下注云。梁置陽山郡。平陳郡廢。大業初。置

熙平郡。有桂陽陽山連山三縣。唐平蕭銑復置

連州。寰宇記。在武德四年。改連山郡。唐志云本

熙平郡。天寶元年更名連山郡。復為連州。乾元元年。先是郡屬江南道。十道記云在正觀中。繼屬嶺南道。十道記云在開元天寶中。後屬湖南道。十道記云在乾元中。後又屬廣州。大曆三年。五代時初屬湖南馬氏。通鑑馬殷陷連州。在昭宗元化三年。及馬氏之衰。南漢昭定桂連等郡。始盡有嶺南。通鑑後周太祖廣順元年。南漢將吳懷恩攻桂州。畧定宜連梧嚴富昭柳象龔等州。南漢盡有嶺南之地。宋平嶺南。地歸版圖。九朝通畧。開寶三年。潘美克賓州。昭州。下桂州。又

下連州。劉錄喜曰。四川本屬湖南。北師取之。是也。其不復南其愚如此。仍隸廣南路。皇朝郡縣

志。分隸廣南東路。至道以後。分廣南為東西路。

而連州隸廣東路。今領縣三。治桂陽。湟川志連

之郡境。脉絡湘湖襟帶交廣。隋為熙平郡。猶領

九縣。封之開建。賀之桂嶺。皆屬焉。唐改連州。止

領三縣。疆理始狹于古云。其地在禹貢隸荆

州。在春秋屬楚地。秦置郡桂陽。在長沙郡之南

境。兩漢為桂陽郡。三國六朝或屬始興。或屬廣

興。壞制靡定。宋高祖世始析桂陽為小桂郡。梁

天監中分置陽山郡。隋大業中改置熙平郡。領桂陽陽山連山宣樂游樂熙平武化桂嶺開建為縣凡九。唐武德四年平蕭銑改為連州。天寶元年改為連山郡。乾元元年復為連州。領縣三。桂陽陽山連山在正觀屬江南道。在開元天寶屬嶺南道。乾元復屬湖南。大曆三年屬廣左。唐末疆宇割裂。馬殷稱楚據湖南。劉龔又名陟稱南漢據嶺表。是時連為南楚所有。後劉晟陟之子繼立。攻桂館取連州。又隸于廣。宋開寶三年王師平之。仍為連州。屬廣東。要之連以山制名。

地介楚粵之間。劉賓客刺史廳壁記所謂與番禺相犬牙。與長沙同祖習是矣。按星分與古制當屬楚。以湟水東南入于海遂屬粵。今仍之。

陽山縣大明清類天文分野書漢本舊縣。東漢

省入浚縣。晉復析置陽山縣。屬始興郡。宋齊

並因之。梁天監六年置陽山郡。縣屬焉。隋屬熙

平郡。唐屬連州。移治水北。宋仍其舊。元至元十

九年。割屬貴陽州。

本朝洪武元年屬桂陽州。二年革桂陽州屬韶州

府。十四年改屬連州。圖經志秦始建小邑曰陽

柳誤作樹

兩開當作間原李誤

山連山。晉屬廣州。宋分郴州之桂陽為小桂郡。
梁大同間以桂陽郡為陽山郡。天監間領含光
縣屬西衡州。唐始改為連州。宋陞為連州軍。元
改為連州路。領桂陽連山陽山三縣。至元壬午
改為州。後陞桂陽縣為州。由是連山屬連州。陽
山屬桂陽州。

本朝洪武元年。仍設連州。桂陽州二年革去。仍為
陽山連山二縣。三年革連山併為陽山一縣。考
究惶川圖志。謹按陽山天下之窮處。陸有邱陵
之阻。虎豹之虞。水有驚灘之險。舟楫之慮。民言

杖當作伏原華誤
今當作今原本誤

卷一萬一千九百六

歟。舌俗雜猺獠。自秦罷侯置守。設立郡縣。所謂
陽山連山小邑。皆為桂陽所屬。然其境界乎湘
廣之間。湟水合流而東。故以湟川名郡。但不得
其詳。至漢武帝時。南粵與溪峒南蠻俱阻聲教。
乃命伏波將軍路博德由此道往征之。今有伏
波將軍廟存焉。晉宋以來。紀載無聞。唐之興
也。改為連州。故諸太守劉禹錫廳壁記云。郡治
與荊州同星分。漢制所謂與番禺相犬牙是也。
貞觀十七年。韓愈謫為陽山令。作別知賦。宋文
公考異註云。其連州乃郴州之屬邑。末年為馬